



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Adolescens Academicvs Svb Institvtione Salomonis

Musart, Charles

Dvaci, 1633

Epistola Dedicatoria.

[urn:nbn:de:hbz:466:1-49007](https://nbn-resolving.org/urn:nbn:de:hbz:466:1-49007)

ANTIQUISSIMÆ, CELEBERRIMÆ,  
AVGVSTISSIMÆ ARCHIDVCVM  
ET CÆSARVM AVSTRIACORVM  
Viennensi Academiæ.

IN PRIMIS  
PERILLVSTRIBVS ET MAGNI-  
FICIS VIRIS AC DOMINIS,

D. CAROLO PERGER

I. V. DOCTORI,  
DIVI FERDINANDI SECVNDI IN EX-  
CELSE REGIMINE CONSILIARIO, PRO TEMPORE  
Academiæ Principi ac Rectori.

D. CHRISTIANO SCHAFFLER

I. V. DOCTORI,  
S. MAIESTATIS CONSILIARIO, CAN-  
CELLARIO EXCELSI REGIMINIS, VNIVER-  
sitatis Cæsareo Superintendententi.

ITEM

ADMODVM REVERENDIS, CLARISSIMIS,  
*Excellentissimis Nobilibus ac Dominis, Col-  
legij Academiæ Soc. IESV Rectori, facultatum  
Decanis, ac Senioribus, Procuratoribus In-  
clytarum Nationum.*

Venerabili Consistorio; ab Amico Hospite  
Apophoreta.

ADOLESCENS ACADEMICVS.



QVm repentè surgen-  
tibus, vehementerq;  
flantibus Religiosæ  
Obedientiæ Fauonijs, ex oris  
ã 3 distan-

EPISTOLA

distantibus nauiculam ad hoc  
nobilissimum orbis Christiani  
Athenæum applicuisssem, Ma-  
gnifici, Admodum Reueren-  
di, Clarissimi, Excellentissimi  
Nobiles Viri, D.D. Academi-  
ci, cumque me paululum ex  
longa & molesta nauigatione  
refecissem; nihil habui anti-  
quius, quàm vt literariæ mer-  
cis sarcinulas, quas mecum in  
mentis arcula comportaram,  
in littore explicarem, vide-  
remque num esset in reculis  
meis, quod more eorum, qui è  
longinquo exteroque solo ad-  
tinentant, vobis, Academiaeque  
offerrem. Creuit verò ista cu-  
pido, posteaquam, mox desi-  
gnatum Scripturæ sacræ inter-  
pretem, non modò me in Col-  
legam

DEDICATORIA.

legam Academicum: sed præ-  
 terea in Inclytæ Nationis  
 Athenanæ Procuratorem, at-  
 que adeò in amplissimum et-  
 iam Academiæ Senatam co-  
 optastis. Ecce autem mihi so-  
 licito obuenit ( quod Home-  
 rico conteritur adagio ) exi-  
 guum, sed oportunum munus-  
 culum, Adolescens hic Acade-  
 micus. Conceperam eum pri-  
 dem, maturusque iam videri  
 poterat, qui ederetur, nisi egrè  
 adhuc parturiens horruissem  
 illa, quæ gignentium esse in-  
 geniorum solent, fastidia, mo-  
 lestias, cruciatus: enixus tamen  
 est animus, simulq; ingenioli  
 foetus ( quod perdicis pullos ad  
 maternam aluum facere aiunt )  
 grauidam mentem fortiùs pul-

ã 4 sans

EPISTOLA

fans naturam celeritate præ-  
 uertit, sicque tandem fauente  
 bonâ lucinâ erupit in lucem;  
 quo ex casu venit in mentem  
 suspicari esse hîc (quod alicubi  
 esse legeram) quasdam ani-  
 mantes, quarum oculis ea vis  
 insit à Naturâ, vt pullos in  
 ouo, tanquam in vinculis de-  
 tentos, aspectu ipso, quasi mol-  
 lissimo incubatu, excludant,  
 blandis scilicet, potentibusque  
 oculorum radijs obstetrican-  
 tibus. Igitur non tam Adoles-  
 centem, quàm Infantem li-  
 bellum, quem Viennæ edide-  
 ram, excolueram, ornaram,  
 attuli, obtuli. Eum vos non  
 tantùm humo iacentem sustu-  
 listis; sed vt filiolum exoscu-  
 lati, & quasi alteri Parentes  
 sum-

sum-

## DEDICATORIA.

summâ beneuolentiâ complexi estis: Tum verò incessit eum ambitio, vt quoniam in familiam vestram esset iam adscitus, adoptionis iure, quo optimo, nomen quoque vestrum præferret: neque istud ei concedere renuistis; ita illum, meq; vnâ breuissimo tempore ijs beneficiorum compedibus obstrinxistis, quæ nulla officia, nulla vnquam ætas dissoluant. Ille quidem, si vitam superi, viresq; dederint, dispersus per oras in multorum manus, sinus, scriniola, inuolabit, & quocunque demum peruadet, vestras, Viennensisque Academiae laudes deprædicabit: Verùm velificabitur eâ re, suo ipse magis, quàm vestro hono-  
ri.

## EPISTOLA

ri. Ceperat olim præstantem  
Cervum Iulius Cæsar, quasi  
iam suum mancipi, ac nexus  
iure fecisset, vinculo ad col-  
lum ducto constrinxit, mox  
liberum dimisit, collari literis  
aureis inscriptâ hac Epigra-  
phe, EGO SVM CÆSARIS.  
Cervinæ esset stoliditatis, qui  
eam inscriptionem crederet,  
quocunque palabundum istud  
Animal deferret, Cæsari po-  
tius, quàm Ceruo honori  
fuisse: Næ ego equè desipiam,  
si existinem librum vestro  
Nomini, non vestrum nomen  
libro huic fore decori & or-  
namento. Lubet verò etsi Ge-  
nethliacus non sim, è Natiui-  
tate omen, spemq; bonam læti  
succensus capere. Nescio quo  
natus

DEDICATORIA.

natus sit Horoscopo meus hic  
Adolescens, fidus sanè magis  
candidum, locumve ortus sui  
fauentiozem ne ipse quidem  
desideret. Prodiit enim sub eo  
Cælo, sub quo nasci, educari,  
viuere consueuerunt Augu-  
stissimi Archiduces Austriæ,  
Magni Reges, Summi Cæsa-  
res: quo tempore Viennæ Im-  
perat FERDINANDVS Nomine  
secundus, rebus pro Patria &  
Religione felicissimè gestis,  
hactenus secundus Cæsarum  
nemini; quo regnat FERDI-  
NANDVS alter, Cæsari Paren-  
ti, vt nomine & sanguine, ita  
dignitate proximus, vbi vnà in  
rerum maximarum spes adul-  
tas successit Serenissimus LEO-  
POLDVS Archidux Austriæ,  
Cæsaris



EPISTOLA

Cæsaris filius, Regis frater, tres  
illi non tam Mecænates Aca-  
demix Clementissimi, quàm  
optimi Parentes: quibus tres,  
ideft, omnes omninò gratix,  
futuræ sint semper impares.  
Porro non tacendæ istud alte-  
rum est felicitatis, quòd nata-  
lem quoque suum in eum an-  
num refert hic animi partus,  
quo tu, Magnifice CAROLE  
PERGER, post quater gestum  
à Paréte viro Medicinæ scien-  
tiâ, virtutumque laude præ-  
stantissimo Academix Princi-  
patum, ad eandem es supre-  
mam potestatem pro summis  
tuis in Rempub. & Acad. me-  
ritis euectus; & dum tu simul  
Academix Ocelle, Curix Cæ-  
sareæ

DEDICATORIA.

fareæ mens D. CHRISTIANE  
SCHAFFLER, in rerum publi-  
carum tractatione versaris:  
peropportunè enim vtriusque  
(vt non rarerè aliàs) in hac  
Adolescentis Academici cau-  
sâ, non modò humanitatem  
incredibilem, sed reuera sin-  
gularem sum benevolentiam  
expertus. Atque hic mihi la-  
tissimus campus aperitur in  
vestras, viri perillustres atque  
Magnifici, præsertim in Au-  
striacæ domus, atque adeò  
ipsius Academiæ vastissimas  
laudes excurrendi; Verùm  
transilirem Epistolæ limina-  
ris modum, & sacram lineam  
semel transgressus, abirem in  
quandam fusissimæ narratio-  
nis

EPISTOLA

nis infinitatem: nisi hîc me subito cohiberem: Et verò mox nanciscar commodiorem de Academia dicendi locum. Quare discedere e Templo iam mihi licebit, postquam fontinalia solemnî ritu peregi; erant ea sacra apud Romanos, quibus fontes ac puteos corollis, floreisque fertis honorabant, quasi dicerent, *Aquam hausisti, puteum corona.* Verùm res erit fortassis perexigua, si aquis vestrorum beneficiorũ perennibus, præter eui brevis flosculos nihil rependero: Neque tamen nihil est, nonnullo officio, & ipsa beneficij commemoratione profiteri me esse debitorem:

DEDICATORIA.

rè: Feci enim saltem, ne viuam  
posthac, moriarq; omninò, &  
planè ingratus

VV. DD.

*Seruus in Christo humil-*  
*limus CAROLVS MV-*  
*SART è Soc. IESV.*



AD